

20

FAMILIARIS
QVAEDAM EPISTOLA
E ROMA IN HISPANIAM
MISSA,

In qua quid actum sit die xxix. Aprilis,
vij. Maij, x. & xvij. Septembris in
translatione Obelisci breui-
ter explicatur.

*Brevis item rerum in hoc primo anno
à Sanctiss. D.N. gestarum
enumeratio.*

Τὸ ἀξίον ὁβελίσκου.



PERMISSV SUPERIORVM.

ROMAE Apud Alexandrum Gardanum, & Franciscum
Coastinum Socios. Impensis Bartholomaei Graffi
Bibliopola Romani. 1586.

FAMILIA

A ROMA IN HISPANIA

1600

In hoc libro describitur
et enumerantur
omnes gentes
et nationes
quae in his partibus
habitant.

Primo tractatus
de gentibus
quae in his partibus
habitant.

Secundo tractatus



De gentibus
quae in his partibus
habitant.



G. P. PETRO VELLEIO

S V O S. D.



V M ais (mi Vellei) ita nos
Vrbis amcenitate ac delitijs
delinitos, ut uestri memoriâ (ah
scelus) penitus proiecerimus :
quæso te Vir summe an hæc ex
animo? ex animo (inquam) hæc
Vellei tuo? quo, non uiuam,
si quid humanius, si quid pu-
rius, si quid candidius. Ego ni-
mirū postea quā à te absum, nulla alia me in tam de-
plorato naufragio solata est tabula, quā adsiduis ad
te literis (ut ut potui) incomparabilem absentix istius
iacturam resarcire. Feci equidem: & cum iam quintus
miseri dissidij decurrat annus, vix profecto mensẽ mi
hi repetes (proximè elapsos duos aut tres excipito)
nostris epistolijs uacuum. Quid, quod nunc cessasti? in
causa inquam fuit repentinus noster ab Vrbe discessus:
nam cum constans hic percrebuisse fama, Ofsun & Du-
cem quantocyus proficisci, Prouincia Mirandensi Co-
miti demandata, officij sapẽ mei esse putauĩ, uirum tan-
tis mihi (nostris) nominibus colendum, antè posetio-
nem ab Italia, salutare. Itaque Neapoli cum essem,
quis amabò *καὶ ὅπως* Vellei duceret ad te scribere? ad
te, inquam, literarium perenne decus, Musarum uni-

DE OBELISCO.

cum ornamentum. An ne quid Sirenum blandimentis cum seuera ac rigida ~~scilicet~~ uestræ disciplina? Nunc & Virbi redditus, & quod maius est, amatissime Bibliothecæ nostræ, Deus meliora, quàm ut committam, uel minimum temporis interire scrupulum absquæ præsentissima Velleij mei recordatione. Scio quid tu nunc: Sixtici inquam Obelisci: Sane merito. Scripsi, si memini, quibus machinis tam immanem diuellere molem instituisent Architecti. Iam quæ res successerit paucis.

Vicesima nona Aprilis sub ipsa luce opus incœptum est: Erat Obeliscus tralidisimis octo columnis per latera circumuallatus, quæ concatenatæ, atq; alijs succrescentibus, & connexis, ipsum apicem ad sex palmos præcellebant: Præfatis octo columnis totidem fastigia superimposita, à quibus perpetuè intrà extraq; succedentes fulcratæ, statuta tigna sustentabant, sic enim ruinæ & inflexionibus prospectum. Tota vero ipsa machina fortissimis laminis, ferreisque clauis à uertice ad calcem religata, plurimis & retinaculis, & ductarijs funibus (has cannabos vocant) undequaq; suffulta. Itaque quadraginta primum trochleæ à totidem mouendæ ergatis, validissimis trabibus, quæ fastigijs inerant, appensæ: horum singulis homines quindecim, equi duo destinati, qui ad nutum præfecti (quando vniciuque erigato vnus præerat) præstò essent. Præfecti verò, ipsi id acceperant, ut cum tubæ sonitus signum daret, mouerent; cum verò cymbali, sisterent. Nec aliter his qui vestibus quinque aderant, iniunctum est: portò illæ septuaginta palmorum longitudine ex fortissimis trabibus compactæ erant, tresque ab Obelisci fronte, duo à tergo conspiciebantur. Primo impetu ferrea quedam lamina, quæ machinam molem ipsam ambientem religabat, disrupta est; qua tamè vnus ferme horæ spatium accommodata, decem demum impulsibus duos palmos

DE OBELISCO.

ac dimidium in altum Obeliscus eleuatur, nè tamen tanta pendente mole sinistrum quid accideret, cunei statim, ac tignorum cæsures, quibus obniteretur, suppositæ, tum deinde asseribus, ac cylindris, cubi quidam, & tesserae, quibus insidebat, dimotæ, & quædam, (dicemus nè traha? dicamus, quando aliud non occurrit, curricula genus est quoddam Italis strascino appellatum) suppositæ: Ergata quinetiam denuò, trabes, & canabæ, ceteræque operæ mutatæ, atque in diuersam formam composita: dies nimirum sex ijs impensi; Post quos, idest Maij septima, ima pars Obelisci, quatuor ergatorum vi, quæ à tergo mouebantur, ceteris, quæ à fronte erant funes remittentibus, trahi paulatim coepit, ipse vero apex clementissimè vergebat. Etenim (ut antea) ad tubæ sonitum posteriora ergata, laxis anterioribus impellebantur, ad cymbali vero quiescebant cuncta. Igitur duabus ante occasum horis famosissima moles integra omnino ac sine ulla prorsus iactura huini decubuit. Eo die, & si minimè loco dimota, tamen uix impedimenta quæ deducenda erat, sublata sunt; in sequentem autem lucem ab ipso Obelisco ad aream, ubi nunc visitur, tumulus aggeritur, viginti duos palmos ea loci parte, qua prius stabat, in finè eminentior; surgebat enim ille paulatim, ita ut ab area ad Obeliscum in longitudinem 118. eius mensuræ quam Italis ex decem palmis ad veteris Decempedæ similitudinè, constantem, Cannam vocant, decliui fastigio decideret. Ne vero agger immensa mole fatisceret, validissimis trabibus vndeque premebatur, quæ loco catenarum limis tigillis connexæ erant, & vnà tignorum aliquot statutiones religabant. Hæc itaque Moles sex ergatorum vi trahi coepta est: & quod per id temporis in Bononia Pontifex cœnaret (ea est Regiæ pars quæ illac patet prospectus) breuius quidem quam credi po-

DE OBELISCO.

test, urgente atque moras incusante Principis præsencia, pertracta est. Verùm cū eò tēpore æstiuī soles supra modum sēquirent, cessatum est dies aliquot, ne scilicet cannabi, cēteraque linea nimio calore conflagrarent. Itaque decima Septembris die prima lucis hora erigi cœpit Obeliscus, cuius iam mucro (v̄tī diximus) subtus machinas iacebat: erant enim columnę octo simili qua priores illę, quarum meminimus, fabrica constructę, fulcimentis stabilitę, cōcatenatę, connexę, sed quę priores illas vnum & quadraginta palmos pro loci eminentia, superabant: super has fastigia totidem, fastigijs inerant trochleę ab ergatis similiter mouendę. Tota vero ipsa machina externo internoque chomate muniebatur, externumquę plurima tigna & trabes vndequaquę sustinebant. Ergata autem quadraginta sex; equi centum quadraginta; homines sexcenti; quorum ergatorum quatuor imam Obelisci partem trahētibz, reliqua à cuspide ad medium religatum erigebant. Quid multa? eadem die hora vicesima quarta quadraginta septem ergatorum nisibus stetit Moles. Tum dein de decima septima mensis eiusdem, tesserę, queis antea nitebatur, suppositę sunt, & in omnis sęculi memoriam ad perpendiculum collocatur. Tandem vicesima sexta eiusdem item mensis, gloriosissimo triūpho delecta est; à Pontifice enim ad id muneris destinatus B. Feratinus Episcopus Amerinus & Cancellarię Apostolicę Regens, solemne prius ad Petri sacrificium fecit; inde ad Obeliscum frequenti supplicatione peracta, multaquę super sanctissimę crucis statuam æreā, sed inauratam fabrē, pię precatus, illam tradidit Diacono sacris adhuc vestibus induto, à quo deniq; in mucrone collocata est, atq; unā tunc, cuncta tormentorum genera, quę in Sancti Angeli arce sunt, ad duos dedere bombos: Itaque quod priscis illis naturę miraculis, quę à decimo

Leone

DE OBELISCO.

Leone ad Paulum orbis tulit, desperatum plane opus iudicatum est, id nunc aurea Sixti V. Pontificis, ætas perfecit, & absoluit. Audiui ego quidem uirum quendam doctissimum (quo coram de Obelisco familiariter colloquebamur) facetè dicentem, eò ætatem nostram prioribus feliciorem futuram, quòd illæ integro quidem Obelisco potitæ tantum fuerint, nostra vero & integro & contrito, sic nimirum rei difficultas, spes omnium debilitarat; Verùm (si quando) quod diuina attestantur proloquia, vel scilicet altissima montium cacumina pietati cedere, hoc maximè tempore experimento tractauimus; *transfert montis impune sequenteis intemerata fides*. Res frequentissimo theatro peracta est, atque ex vulgi more non sine perpetuis acclamationibus. Sepserat enim iampridem trabibus Architectus bonam aræ partem, ut ab opere multitudinem arceret, vnde conuicinas domos Curia procures adimplebant, reliquum omne confertissima peditum, equitum, carpentorum turba occupabat. Nec prætereundum, eo ipso die atque hora qua erigebatur Moles, Franciscum Luxemburgum Ducem Pinci in Urbem aduenisse, ut à Christianissimo Gallia Rege Legatus, Sixto V. Pontifici summo eiusdem Principis sui nomine obedientiam de more præstaret. Et certè non hæc sine diuino Numine. Quid enim significet aliud Obeliscus Petri ædium pro foribus à Sixto Petri successore collocatus; Quid Circi tot sæculis probrosum nomen, crudelissimiquè tyranni memoria vno die penitus obliterata; Quid denique uanis & superstitiosis cineribus diffectis salutare uiuificæ crucis signum gloriosè erectum, nisi nobilissimum Religionis nostræ tropheum, clarissimum de Paganismo triumphum, æternum veræ pietatis monumentum? Itaque opportunè quidem fors tulit, ut ea, quam diximus, Gallia Regis Legatio in id temporis

DE OBELISCO.

poris incurreret, & vnâ Vicarij Christi maiestatem & gloriam prædicaret. Pontifex quòd in sequentem diem publicum Consistorium Pineo decreuisset, a Cavallo in Vaticanum reuersus, vltimam (vt sic dixerim) manum præsentia sua operi imposuit: nam eo prætereunte quadragesimo septimo ac postremo ergatorum impulsu stetit Obeliscus. Architectus (cui nomen Dominicus Fontana Mili in Comensi Diœcesi ortus) multa stante caterua ouans, immo planè triumphans domum reuertitur. Diceret Camillos, Fabios, Magnos, ab eodè iterum Obelisco & Vaticano in Urbem, & Capitolium duci. Quæ restant haud dispari proculdubio felicitate peragètur: Etenim (mi Vellei) dici vix potest, quibus auspicijs beatissimus hic Apostolatus mundo effulserit. Prima lux, quæ Sixtum Quintum Pontificem vidit, multa quidem illa præclara ac salutaria Christianæ Reipublicæ augurata est: Nam uerò in illo heroicarum virtutum, excelli, infractiq; animi, atque ad istud ipsum fastigium nati haud obscuri iam indè collucebāt igniculi, cum ab importunis Curix tumultibus omnino sequestratus, ad secretiorem vitæ modum secessit. Itaq; Orbi demum ac bonis redditus, id sibi prius, ac potius duxit, ut eam quam de se inter rusticana adhuc villæ dumeta delitefcens, opinionem concitauerat, salutari- bus officijs confirmaret, stabiliret, amplificaret. Fuerunt sanctissimi Pontificatus initia, Italia ferè omnis à misera laniena vindicata, perditissimorum hominum, quorum grassationibus viæ undiquè infestabantur, immensa propè colluies inaudita hætenus celeritate & fortuna penitus deleta. Potentissimorum deinde virorum effrænati atque insolentes ausus in officio contenti, summo imperio cohibiti ac repressi, tanta deniquè bonorum animis præmiorū spes innatæ, tam incredibilis imis sceleratorum uisceribus pœnarum tremor insculptus

DE OBELISCO.

ptus, ut in ea vrbe (quam vnam ad libertatem, ac pro-
 fligatam in rebus omnibus licentiam natam agnosci-
 mus) ipsa hora à Sixto Quinto Pontifice renunciato,
 nulla omnino seditio; nullus tumultus, nulla infestatio;
 rixosa quinetiam unius uocula mira quædam religio
 ingenta sit. Nunc tandem tot laboribus exantlatis,
 tot confectis monstris, atque ab Ecclesiastica ditione
 (quam cæteris puriorem sanctioremque esse decet) for-
 dibus egestis, iure quidem suo (ut ille alter) ad aureos
 legendos fructus animum applicat, ornat, nimirum eam
 ipsam urbem venustissimis, ac munificentissimis con-
 structionibus; quam vera pietate, ac iustitia, religione
 non ficta, cæterisque cœlestibus præsidijis antea munie-
 rat. Vias in amplissimam rectissimamque formam ster-
 nit; ad Agonalem (adumbrabo enim res tantum) aeris
 salubritate nobilem; magnificentissimos aquæ ductus
 deriuat. Lateranensem Basilicam, Basilicarum omnium
 Principem vetustate ferè collapsam splendidissime co-
 struit, atque Pontificis palatio exornat. In Deipara ad
 Nives sacellum (quod in tenui adhuc fortuna infita ma-
 gnanimitate inchoauerat) collocat; ibique de illustri-
 simo (o redeat serus) cogitat cenotaphio. Nec vero pro-
 pterea ad Principis Apostolorum cessatur; surgit in di-
 es celeberrima fabrica, & bœnei (ut sperant boni) quod
 in commune cederet religionis decus, perficitur tem-
 plum Domini. His aliud adiecit beatissimus ac pro-
 uidissimus Pater longè quidem vtilissimum in Sacro-
 sanctam hanc Sedem meritum: Actariorum enim penè ex-
 haustum decies centenis aureorum millibus ditauit,
 idque (incredibile) ex unius tantum anni Pontificijs
 redditibus; hanc autem aureorum summam nullo un-
 quâ tempore præter inibi expressos (quos vocant) ca-
 sus extrahi posse, aut in alios vsus conuerti, diploma-
 te, (ad cuius obseruantiam solemnî sacramento se hæ-
 redesque

DE OBELISCO.

redēsque suos adstrinxerunt Patres, sanctissimè decreuit. Diplomatis ipsius (quandò mira sententiarum habet pondera) exemplar transmittimus. Omittam diuina beatissimi Principis cōsilia, quibus Vrbi atque in Vrbe Orbi annonæ ac rerum omnium penuria laborantis, extremamquè timenti succurrit. Præteream denique maximorum facinorum grauidissimam mentem, quorum tamen vix iam tandem cohiberi potest impetus, prodeunt, euadunt, erumpunt. An non rerum magnitudo cum numero, numerus cum temporis breuitate, breuitas cum fortuna decertare de imperio videntur? Hęc quidem, mi Vellei, cum talia, ac tanta sint, aliorū Principum (esto) illustrissimi fuerint tituli, præclarissimaque; elogiaz, Sixtici verò Pontificatus rudes quedam adumbrationes atque informia tantum erunt delineamenta; ac tandem eo usque in ore hominum versabūtur, quousque succedentiū operum molibus penitus obruantur. Finiam semel: Puerunt profecto, sunt, atque erunt quęcunque à tanto viro proficiētur opera, iuxta Græcam paræmiam τα ἄλλα ὀφείλονται.

Francisco nostro plurimam salutem dico; valere etiā iubeo doctissimū Antonium, secretiorem prætereā animi nostri partem Rodericum. Cum vero fortunatissimās rupeis illas, quæ Montanum habent, inuiseris, tacitus eas nostro nomine uenerare, atque anathemate quopiam pius exorna. Vale doctissimè Vellei, & G. tui memoriā nē obliterato. Rōmę Id. Septemb. M. D. LXXXVI.